

SCRIPT OF MORNING GOJRI NEWS BULLETIN 31MAR 2026 1015HRS

مارننگ گوجری نیوز بولٹین 31 مارچ 2026

یوہ آکاشوانی جموں ہے، محمد آصف تیں خیر سُنو۔

CM MISSION YUVA

وزیر اعلیٰ عمر عبداللہ نے اُمید ظاہر کرتا واں کہیو ہے جے مشن یووا پورا ملک غا نوجوانان نانہہ خود روزگار فراہم کرن غا سلسلہ مانہہ مثالی طور ور باندے آوے گو۔ اُن نے کہیو ہے جموں کشمیر مشن یووا سکیم غے تحت قومی سرمایہ کاری تے ترقی غا طور ور باندے آوے گو۔ وزیر اعلیٰ نے ان گلاں غو اظہار جاتے روز کنوینشن مرکز جموں مانہہ مشن یووا بارے منعقدہ اک پروگرام غے دوران بولتا واں کہیو، اُن نے کہیو جے مستقبل مانہہ ہم اس پروگرام نانہہ ملکی سطح ور ترقی آلے پاسے آگے لے جاسکایں غا اُن نے یوہ وی کہیو جے مشن یووا سکیم غے تحت روزگار پیدا کرن غی سکیم نال جموں کشمیر اک بڑی مثال بن غے باندے آوے گو۔ اُن نے یوہ وی کہی و جے جموں کشمیر حکومت اس سلسلہ مانہہ بے روزگار نوجوانان غی خدمت کرن واسطے ہر ممکن مدد غی وعدہ بند ہے۔ اُن نے نوجوانان ور زور دتو ہے جے وے اس سکیم تیں متو فائدو چان غی خاطر باندے آویں۔ جموں کشمیر مانہہ بے روزگاری بارے تشویش ظاہر کرتا واں جناب عبداللہ نے کہیو جے مہاری حکومت غو فرض ہے جے ہم نوجوان لوکاں نانہہ روزگار منگن غے بدلے روزگار دین غے قابل بنا سکاں۔ اس موقع ور بولتا واں اُن نے کہی و جے مشن یووا سکیم غے تحت جموں کشمیر مانہہ گزشتہ اک سال غے عرصہ غے دوران 1000 کروڑ روپیاں غی رقم خرچ کی جا چکی ہے۔ تقریب غے دوران اُن موجود لوکاں تے کاروبار کرن آلاں نال خطاب کرتا واں جناب عبداللہ نے فائدو چان آلاں مانہہ شک تقسیم کیا نالے کوئے 20 لوکاں کاروباری ترقیاتی یونٹاں غو وی افتتاح کیو۔

MAHAVIR JAYANTI

بھگوان مہاویر غو یوم پیدائش اج پورا ملک مانہہ مانیو جارہیو ہے واضع رہ جے مہاویر جینتی برادری واسطے بڑی اہمیت رکھے جس ناں اُن غا مہذب مانہہ بڑی قدران نال دیکھیو جے اس دن غا موقع ور اج بھگوان مہاویر ناں منن آلا اج نعرہ لاغے پوجا کرتا واں اک دوجا ناں پرسار بندتتا دیکھیا جارہیا ہے۔ جین برادری غے مطابق یوہ تہاڑو اک تہوار توں زیادہ بھگوان مہاویر غی طرفوں دسیا گیا سچائی غا رستہ ور ٹورن غی خاطر بہترین خراج عقیدت تیں کرن غو اک بڑو موقعو ہے۔

LG CM GREETINGS

لیفٹیننٹ گورنر منوج سنہا نے مہاویر جینتی گا موقع ور لوکاں نانہہ مبارک باد پیش کی اس سلسلہ مانہہ اپنا اک سنیا مانہہ اُن نے لوکاں نانہہ کہیو جے ہم سارا ناں بھگوان مہاویر غا رستہ ور سچائی تے ایمانداری آلا رستہ ور ٹور غے سماج غی پلائی بہتری بارے کم کرنو چاہیے اواں جموں کشمیر گا وزیر اعلیٰ عمر عبداللہ نے لوکاں نانہہ مبارک باد دیتا واں کہیو جے اس قسم گا تہوار ہم نانہہ آپس مانہہ پیار محبت تے آپسی بھائی چارہ غو سبق دیں۔ اُن نے اس موقع ور جموں کشمیر تے پورا ملک واسطے امن، خوشحالی تے ترقی غی دُعا کی ہے۔ جموں کشمیر گا نائب وزیر اعلیٰ سریندر کمار چودھری نے وی مہاویر جینتی غا موقع ور عوام ناں مبارک باد دتی ہے مبارک باد گا اپنا اک سنیا مانہہ اُن نے کہیو جے بھگوان مہاویر نے ہم نانہہ سچائی غو رستو دسیو ہے جس ور چل غے ہم آپس مانہہ پیار محبت تے امن، بھائی چارہ نال زندگی گزار سکاں۔

CS-HOMESTAY

چیف سیکرٹری اٹل ٹلو نے جاتے روز عہدے داراں غی ایک میٹنگ بلاغے محکمہ حیات غے متعلق بکھ بکھ پالسیاں ناں علالیا جان بارے کم کاج غو جائیزو لیو۔ میٹنگ غے دوران تمام

ضلعان مانہہ سیلانیاں غی خاطر رہن واسطے پالیسی ور وی گل بات کی گئی۔ اُن نے یاه وی ہدایت کی ہے جے اس پالیسی غے متعلق اندراج غا کم مانہہ متی شفافیت تے سوکھت اُنی جے تال جے سیلانیاں ناں پریشان نہ ہونو ہے۔ جناب ڈولو نے کہیو جے سیلانیاں غی خاطر رہن واسطے ہوم سٹے نامی پالیسی ناں عملایا جان نال سیاحت مانہہ بعدا غے نال نال روزگار گا مواقع وی پیدا ویں۔ اُن نے یوہ وی کہیو جے مشن یووا تے پی ایم جی پی غی مدد نال ہوم سٹے پالیسی غا اوپر پٹراں ناں متی مدد دتی جاسکے غی۔

CENSUS 2027

ملک مانہہ سن 2027 غی خاطر مردم شماری غے متعلق بھارتیہ مردم شماری کمشنر تے رجسٹرار جنرل مرتیوں جے کمار نارائین نے جاتے روز پریس کانفرنس غے دوران جانکاری دیتا واں دسیو ہے جے یاه مردم شماری 2 مرحلاں مانہہ مکمل کی جے گی اُن نے دسیو جے یوہ مرحلو ملک غی ریاستاں تے مرکزی زیر انتظام علاقوں غی طرفوں واضع کی گئی تاریخ غے مطابق 1 اپریل تیں 30 ستمبر توڑی مکمل کی وجے غو جد کہ اُن نے یاه وی جانکاری دتی ہے جے مردم شماری واسطے واضع کیا گیا پورٹل ور 16 زبان شامل ہیں۔

ARCHERY SHEETAL DEVI

بھارت غی شیتل دیوی نانہہ عالمی تیر اندازی تنظیم غی جانب تیں، سال 2025 غی بہترین پیرا تیر انداز قرار دتو گیو ہے۔ جموں کشمیر تیں تعلق رکھن آلی 19 سالہ شیتل دیوی پہلی تے واحد خاتون تیر انداز ہیں، جن غی بازو نی ہے مگر اس غے باوجود اُنہاں نے گزشتہ سال جنوبی کوریا غا شہر گوانجو مانہہ منعقدہ عالمی پیرا تیر اندازی چیمپین شپ مانہہ خواتین غا کمپاونڈ انفرادی مقابلہ مانہہ سونا غو تمغو جیت غے تاریخ رقم کی ہے۔ اُنہاں نے عالمی چیمپین شپ مانہہ مکمل تمغه گا مجموعہ وی حاصل کیا، جس مانہہ خواتین غی ٹیم غے نال چاندی تے میکس ٹیم غے نال کانسہ گو تمغو شامل ہے۔ اس تیں علاقہ اُنہاں نے پیرا لیمپکس مانہہ میکس مقابلہ مانہہ کانسہ گو تمغو حاصل کیو ہے، جدکہ 2022 ایشیائی پیرا گیمز تے 2023 ایشیائی چیمپین شپ بنکاک مانہہ انفرادی چاندی غو تمغو اپنے ناں کیو ہے۔

SAKINA GGH

صحت تے طبی تعلیم محکمہ غی وزیر سکینہ اتو نے جاتے روز ایوان نانہہ جانکاری دیتا واں دسیو ہے جے سرکاری اسپتال گاندھی نگر مانہہ مریضاں ناں دستیاب سہولتاں نانہہ گزشتہ سال غا ستمبر مہینہ مانہہ نال کی تعمیر کی گئی 200 بستراں آلی نوعی سیال غی عمارت مانہہ منتقل کیو گیو ہے وزیر موصوفہ نے ایوان مانہہ ممبر اسمبلی وکرم رنداوا غی طرفوں گاندھی نگر اسپتال بارے پوچھیا گیا سوال غا جواب مانہہ بول رہی تھیں۔ وزیر موصوفہ نے یاه وی جانکاری دتی ہے جے اس سرکاری میڈیکل کالج جموں غا تامل میل نال گاندھی نگر اسپتال مانہہ مریضاں ناں متی طبی سہولیات مہیا کران غی خاطر غور کیو جارہیو ہے۔ محترمہ اتو نے ایوان نانہہ یاه وی جانکاری دتی ہے جے 200 بستراں ور مشتمل گاندھی نگر اسپتال اس ویلے سرکاری میڈیکل کالج جموں غی نگرانی مانہہ فرائض انجام دے رہیا ہیں۔

NEWS READ BY MOHD ASIF LODHI
NEWS EDITOR ASHOK KUMAR MOTA
DEO NUSRAT
SKILLED RAJAT
TECH ASST PALLAVI